



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

3 JUN 2022 (JUMAAT)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

3 JUN 2022 (JUMAAT)

Harga siling ayam, telur dilanjutkan hingga 30 Jun

Langkah bagi memastikan Keluarga Malaysia bersedia dengan perubahan selepas tempoh berakhir

Oleh Noor Atiqah Sulaiman
bhnews@bh.com.my

Putrajaya: Penentuan Harga Maksimum Ayam dan Telur bagi ayam standard, ayam super dan telur ayam dilanjutkan sehingga 30 Jun ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi berkata, Kabinet bersetuju dengan perlanjutan itu diambil bagi memastikan Keluarga Malaysia bersedia dengan perubahan harga apabila penentuan harga berkenaan berakhir kelak.

Beliau berkata, penentuan harga ayam dan telur dilaksanakan sejak 5 Februari lalu dan sepatutnya akan berakhir pada Ahad ini.

"Harga maksimum bagi runcit ayam dan telur di Semenanjung sudah ditetapkan iaitu RM8.90 bagi setiap sekilogram

ayam bulat standard, ayam bulat super (RM9.90/kg), telur ayam gred A (43 sen sebiji), telur ayam gred B (41 sen sebiji) dan telur ayam gred C (39 sen sebiji).

"Bagi Langkawi, Sabah, Sarawak dan Labuan, Penentuan Harga Maksimum Ayam dan Telur adalah berbeza mengikut zon dan daerah," katanya dalam kenyataan semalam.

Beliau berkata, sebagai kerajaan yang prihatin, Kementerian Kewangan akan meneliti cadangan pemberian bantuan

untuk golongan sasar yang berpendapatan rendah, termasuk kadar dan mekanisme penyaluran bantuan bagi menangani kenaikan harga barangan apabila penentuan harga maksimum itu berakhir.

"Pegawai Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) akan terus meningkatkan penguatkuasaan setiap hari di seluruh negara untuk menentukan bekalan sentiasa stabil dan tiada pencatutan di pasaran.

"Oleh itu, KPDNHEP mengingatkan kepada komuniti peniaga supaya sentiasa beretika dalam menjalankan perniagaan dan tidak mencatut untuk mengaut keuntungan yang tidak munasabah.

"Kerajaan juga ingin menggalakkan semua pengguna



Peniaga diingatkan tidak mengaut keuntungan yang tidak munasabah ketika berdepan isu kenaikan harga barang. (Foto hiasan)

Tinjauan harga sayur sebelum Aidilfitri/semalam

TERENGGANU

(Harga asal/kenaikan per kg)

Kacang panjang: RM6 - RM7/ RM17

Kubis bulat: RM4.50/ RM4.50

Bendi: RM15-RM16/ RM13- RM14

Terung panjang: RM10/ RM8

Cili merah: RM20/ RM14

SARAWAK (KUCHING)

(Harga asal/kenaikan per kg)

Kacang panjang: RM6 / Harga sebelum RM4

Kubis: RM5-RM6/ Harga sebelum RM3.90

Bendi: RM8/ Harga sebelum RM4

Terung: RM10/ Harga sebelum RM9

Cili merah: RM23/ Kekal

SELANGOR

(Harga asal/kenaikan per kg)

Kacang panjang: RM2.99/ RM4.99 - RM8.49

Kubis bulat: RM2.20/ RM3.59 - RM3.99

Bendi: RM2.99/ RM8.99

Terung panjang: RM5 / RM5.99 - RM7.99

Cili merah: RM7.99/ RM15.99 - RM18.99

Kacang buncis: RM10/ RM10



menggunakan kuasa beli mereka dalam membeli mengikut keperluan dan berbelanja secara berhemah.

"Pelaksanaan penentuan

harga ini akan berkesan sekiranya semua pihak dapat memainkan peranan masing-masing, termasuk dengan cara menyalurkan aduan dan mak-

lumat kepada KPDNHEP sekiranya terdapat mana-mana pihak yang melanggar undang-undang ditetapkan," katanya.

Harga maksimum ayam, telur ayam dilanjutkan sehingga 30 Jun

PUTRAJAYA – Mesyuarat Jemaah Menteri kelmarin bersetuju harga maksimum runcit ayam standard, ayam super dan telur ayam menerusi penentuan harga maksimum dilanjutkan sehingga 30 Jun ini.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, pelanjutan tempoh itu bertujuan memastikan Keluarga Malaysia bersedia dengan perubahan harga apabila penentuan harga tersebut berakhir hujung bulan ini.

"Sebagai kerajaan yang prihatin, Kementerian Kewangan akan meneliti cadangan pem-

berian bantuan untuk golongan sasaran berpendapatan rendah termasuklah kadar dan mekanisme penyaluran bantuan bagi menangani kenaikan harga barang apabila penentuan harga maksimum ayam dan telur tamat pada 30 Jun," katanya dalam kenyataan semalam.

Katanya, penentuan harga yang dilaksanakan sejak 5 Februari lalu sepatutnya berakhir Ahad ini dengan harga maksimum runcit ayam dan telur bagi Semenanjung Malaysia ditetapkan pada kadar RM8.90 sekilogram (kg) ayam bulat standard, ayam bulat super (RM9.90/kg), telur ayam gred A (43 sen/biji),

telur ayam gred B (41 sen/biji) dan telur ayam gred C (39 sen/biji).

"Bagi Langkawi, Sabah, Sarawak dan Labuan, harga maksimum ayam dan telur berbeza mengikut zon dan daerah," katanya.

Sementara itu, ujarnya, pegawai penguat kuasa KPDNHEP akan terus meningkatkan penguatkuasaan setiap hari di seluruh negara untuk menentukan bekalan sentiasa stabil dan tiada pencatutan berlaku di pasaran.

Beliau turut mengingatkan komuniti peniaga supaya sentiasa beretika dalam menjalankan perniagaan dan tidak mencatat untuk mengaut keuntungan yang tidak munasabah.



ORANG ramai mendapatkan barangan makanan keperluan seperti ayam di sebuah pasar raya di Setiawangsa, Kuala Lumpur baru-baru ini.

Penentuan harga maksimum ayam, telur dilanjutkan hingga 30 Jun

Putrajaya: Mesyuarat jemaaah menteri bersetuju harga maksimum runcit bagi ayam standard, ayam super dan telur ayam dalam Penentuan Harga Maksimum Ayam dan Telur dilanjutkan sehingga 30 Jun ini.

Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi berkata, perlanjutan tempoh itu dibuat bagi memastikan Keluarga Malaysia bersedia dengan perubahan harga apabila penentuan harga berkenaan berakhir kelak.

Beliau berkata, penentuan harga ayam dan telur itu sudah dilaksanakan sejak 5 Februari lalu dan sepatutnya akan berakhir pada Ahad ini.

Kata beliau, harga maksimum bagi runcit ayam dan telur di Semenanjung sudah ditetapkan iaitu RM8.90 bagi setiap sekilogram ayam bulat standard, ayam bulat super (RM9.90/kg), telur ayam gred A (43 sen sebiji), telur ayam gred B (41 sen sebiji) dan telur ayam gred C (39 sen sebiji).

"Bagi Langkawi, Sabah,



ALEXANDER

Sarawak dan Labuan, harga maksimum ayam dan telur adalah berbeza mengikut zon serta daerah," katanya pada kenyataan semalam.

Tambahnya, sebagai kerajaan prihatin, Kementerian Kewangan akan meneliti cadangan pemberian bantuan untuk golongan sasaran yang berpendapatan rendah termasuk kadar dan mekanisme penyaluran bantuan bagi menangani kenaikan harga barang apabila penentuan harga maksimum itu berakhir.

"Penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) akan terus meningkatkan penguatkuasaan setiap hari di seluruh negara untuk menentukan bekalan sentiasa stabil dan tiada pencatutan berlaku di pasaran.

"KPDNHEP mengingatkan komuniti peniaga supaya sentiasa beretika dalam menjalankan perniagaan dan tidak mencahut untuk mengaut keuntungan yang tidak munasabah," katanya.

Menurut beliau, kerajaan menggalakkan pengguna untuk menggunakan kuasa beli mereka dalam membeli mengikut keperluan selain berbelanja secara berhemah.

"Pelaksanaan penentuan harga ini akan berkesan sekiranya semua pihak memainkan peranan masing-masing.

"Ia termasuk menyalurkan maklumat kepada KPDNHEP sekiranya ada pihak melanggar undang-undang ditetapkan," katanya.

Ceiling price of chicken, eggs to stay until June 30

By MAZWIN NIK ANIS
mazwin@thestar.com.my

PUTRAJAYA: The ceiling price for chicken and eggs, which is supposed to end this Sunday, has been extended until the end of the month.

Domestic Trade and Consumer Affairs Minister Datuk Seri Alexander Nanta Linggi (pic) said the extension was decided by the Cabinet at its weekly meeting on Wednesday.

"The extension for the implementation of these produce is to ensure consumers are prepared for the price changes when the scheme

ends on June 30," he said yesterday.

In February, the government set the ceiling price of standard chicken at RM8.90 per kg for four months up to June 5.

The measure was taken to ensure the price of chicken remains affordable.

The price for whole super chicken is RM9.90 per kg, while the ceiling price for grade A eggs is set at 43 sen each, grade B eggs at 41 sen and grade C at 39 sen.

Nanta said the maximum price



for chicken and eggs for Langkawi, Sabah, Sarawak and Labuan differed according to zones and districts.

"As a concerned government, the Finance Ministry will look into the proposal for subsidies to be given to target groups and those in the low income bracket.

"The study will include the subsidy rate and the right mechanism to channel the aid to tackle the increase in prices when the maximum ceiling ends," he added.

"The ministry's enforcement officers will step up surveillance and enforcement to ensure supply of essential goods is stable and that there is no profiteering.

"Trading communities must be ethical in carrying out their businesses.

"They must not engage in profiteering just to make unreasonable profits."

Watch the video
TheStarTV.com



Chicken price cap extended to June 30

PUTRAJAYA: The government has agreed to extend the maximum retail price of standard chicken, super chicken and eggs until June 30.

Domestic Trade and Consumer Affairs Minister Datuk Seri Alexander Nanta Linggi said the decision to extend the maximum price scheme was made at a Cabinet meeting on Wednesday.

The scheme, implemented on Feb 5, is supposed to end on Sunday.

"It is to ensure that Keluarga Malaysia would be ready for the price change when the price determination ends on June 30," he said in a statement yesterday.

Under the maximum retail price determination, the cost of standard round chicken and super round chicken in Peninsular Malaysia is RM8.90 and RM9.90 respectively per kilogramme.

For chicken eggs, Grade A is at 43 sen each, Grade B at 41 sen and Grade C at 39 sen.

In Langkawi, Sabah, Sarawak and Labuan, the maximum price of chicken and eggs varies by zone and district.

Nanta said the Finance Ministry would look into a proposal on providing assistance to the low-income group to address the increase in price of goods after the scheme expires.

He added officers would conduct enforcement checks on a daily basis nationwide to ensure stable supply of goods and to prevent profiteering by traders.

Nanta called on the business community to be ethical and advised consumers to spend prudently and only buy according to their needs.

- Bernama

KPDNHEP berjaya rampas barang tiruan berjumlah RM94.65 juta

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) telah berjaya merampas 1,160 barangan tiruan membabitkan nilai RM94.65 juta sejak 2019 hingga Mei tahun ini.

Timbalan Menteri, Datuk Rosol Wahid berkata, ia hasil kejayaan 14,187 pemeriksaan yang dijalankan dalam tempoh tersebut.

"Sebanyak 661 aduan berkaitan barangan tiruan diterima pada tahun 2020, 443 aduan pada tahun 2021 dan 131 aduan direkodkan sejak 1 Jan 2022 hingga semalam (Rabu).

"Aduan yang diterima juga membabitkan penjualan barangan tiruan di premis fizikal dan secara dalam talian.

"KPDNHEP juga amat tegas dalam menguatkuasakan perundangan untuk membanteras isu barangan tiruan dan cetak rompak menerusi Akta Cap Dagangan 2019 dan Akta Perihal Dagangan 2011," katanya kepada media selepas Majlis Pelancaran MyORI SmartSecure & Program Kepenggunaan pada Khamis.

Turut Hadir, Ketua Setiausaha KPDNHEP, Datuk Azman Mohd Yusof dan Ketua Pegawai Eksekutif MyORI Services Sdn Bhd, Ling Ken Ji.

Beliau juga percaya pengenalan aplikasi MyORI SmartSecure yang boleh dimuat turun melalui Google Play Store dan Apple App Store membantu mengatasi masalah barangan tiruan.

Katanya, produk yang berdaftar dengan MyORI SmartSecure akan dibekalkan pelekat pada produk tersebut untuk memudahkan pengguna mengenali produk asli.

"Ini membolehkan pengguna dapat menyemak dan membeli barangan yang tulen terutama untuk produk makanan atau ubatan.

"Produk lain juga terbuka untuk mendaftar bersama MyORI Services," katanya.

Aplikasi tersebut dibangunkan oleh syarikat SHSA World Sdn Bhd dan MyOri Services Sdn Bhd, manakala KPDNHEP bertindak selaku fasilitator.



Rosol (tiga dari kiri) ketika melancarkan MyORI SmartSecure & Program Kepenggunaan pada Khamis.

7.3 tan minyak masak peket 1kg dirampas

Klang: Kementerian Perdagangan Dalam Negeri dan Hal Ehwal Pengguna (KPDNHEP) merampas 7.3 tan minyak masak paket satu kilogram dan 1,562 liter minyak botol pada serbuan di sebuah premis di Taman Sentosa di sini, jam 3.30 petang kelmarin.

Pengarah Penguat Kuasa, Bahagian Penguat Kuasa KPDNHEP Putrajaya Azman Adam berkata, serbuan terhadap premis yang menjalankan aktiviti pembungkusan dan pembotolan semula minyak masak secara haram itu dijalankan enam penguat kuasa KPDNHEP Selangor.

"Selain sebagai pusat pembungkusan dan pembotolan semula, premis terbabit turut dijadikan

stor penyimpanan minyak masak berkenaan.

"Ia dibungkus semula sebelum dijual. Kami turut menahan tiga lelaki warga tempatan dengan seorang daripadanya adalah penyewa premis manakala dua lagi adalah pekerja," katanya pada kenyataan semalam.

Menurut beliau, ketiga-tiganya yang berumur 25 hingga 41 tahun ditahan untuk dirakam percakapan sebelum dibebaskan dengan jaminan polis.

Azman berkata, keseluruhan rampasan berjumlah RM27,628.25 dan kes disiasat mengikut Akta Kawalan Bekalan 1961, sabit kesalahan boleh didenda tidak lebih RM1 juta atau penjara tidak lebih tiga tahun atau kedua-duanya sekali.



ANTARA tangki yang dirampas dalam serbuan di sebuah premis di Kawasan Perindustrian Pasir Gudang, Johor Bahru.

Jual diesel tepi jalan

Sindiket isi tangki lori 20,000 liter diesel sebelum dijual semula

Oleh Omar Ahmad
am@hmetro.com.my

Pasir Gudang

Tangki minyak lori tiga tan akan diisi penuh dengan diesel dianggarkan berjumlah 20,000 liter, sebelum ia dikeluarkan semula untuk dijual secara haram di tepi jalan.

Itu modus operandi digunakan sindiket penyeludupan barang kawalan yang baru dua bulan aktif di daerah ini.

Kegiatan itu tumpas selepas sepasukan anggota Batalion 5 Pasukan Gerakan Am (PGA) menyerbu sebuah premis di Kawasan Perin-



Kami merampas 22,000 liter diesel bersubsidi, dua tangki kapasiti 20,000 liter dan tong putih kapasiti 1,000 liter serta empat lori tiga tan"

Mohd Razali

dustrian Pasir Gudang di sini pada jam 12.45 tengah malam Rabu lalu.

Pegawai Pemerintahnya Superintendan Mohd Razali Melin berkata, pihaknya

menahan dua lelaki berusia 29 dan 31 tahun yang bekerja sebagai penjaga premis dan pemandu lori.

"Dalam pemeriksaan, suspek gagal mengemukakan sebarang dokumen memiliki, menyimpan dan membawa barang kawalan.

"Kami merampas 22,000 liter diesel bersubsidi, dua tangki kapasiti 20,000 liter dan tong putih kapasiti 1,000 liter serta empat lori tiga tan.

"Nilai keseluruhan rampasan dianggarkan sebanyak RM357,200," katanya dalam satu kenyataan semalam.

Mohd Razali berkata, sindiket berkenaan mengguna-

kan lori tiga tan untuk mengisi diesel dari stesen minyak dan bahan bakar itu dikeluarkan semula sebelum dijual.

"Tangkapan dan rampasan ini berjaya memutuskan satu rangkaian sindiket penyeludupan minyak (diesel) bersubsidi di sekitar daerah Johor Bahru," katanya.

Di samping itu, menurutnya, semua tangkapan dan rampasan diserahkan kepada Kementerian Perdagangan Dalam Negeri dan Hal Ehwal Pengguna (KPD-NHEP) Johor untuk tindakan lanjut.

Menurutnya, kes itu diasiat mengikut Akta Kawalan Bekalan 1961.

Senarai Harga Barang Keperluan	
Ayam	RM6.99
Daging Lembu Tempatan	RM42.99
Daging Lembu Import	RM28
Telur Gred A	RM12.60
Ikan Kembung	RM17.99
Minyak Masak	RM6.50
Gula Pasir	RM2.75
Bawang Besar Holland	RM2.50
Bawang Putih	RM5.29
Cili Merah	RM10.99
Kubis Bulat Tempatan	RM5.00
Tepung Gandum	RM2.30

*Harga (RM/kg) Sumber: KPDNHEP